

陳太史無夢園初集

陽山志

陽山社二十八則

一邀太湖以迎落暉

箭關

一候天雞以呼曉雲

浴日亭望海中出日

一撫晉栢以吸龍茗

龍塚之傍有泉有茗皆曰白龍

一鋤耙石以摘仙種

耙石嶺仙人種玉

一次雞峰以伴羽客

雞峯洞羽客幽棲俱舊題

一憑滴水以瞻桃姑

滴水巖之左有桃姑洞

一枕爐峰以恣野眺

箭闕下有香爐峰

一醉公孫以獎忠魂

吳殺孫聖於蒸丘卽陽山

一訪元發以破巨浪

坡公集滕元發破浪相訪使人神聳墓在陽山栗塢

一戲鯉峰以候龍聞

宋陶弼於此山觀雙鯉戲老父曰龍也行且聞君亟去是日覆舟弼免

一弔顧

元慶

岳

端

以復修綠

山房名修綠元慶有陽山新錄

一體白龍以核建置

龍母廟在西隧新祠在澄照寺前並存

一嘯鶴山以迂令威

東北白鶴山丁令威宅有丹井山產白塢
一考書堂以遲佳客

宋端拱初謝賓客濤講學於仙泉院之西
廡

一枕巨巖以看飛瀑

滴水巖四時不涸

一移襟構以顯石壁

山峰惟石壁最佳主文格易以長雲今爲
屋掩欲盡出之

一扁學易以平愛憎

李嵩隱山玩易有不緣懶出忘巾櫛免得
時人有愛憎句

一理艸堂以新唐句

山有顧鍊師艸堂唐李頎贈以詩

一默禪誦以紹淨因

正德寺僧道昂暗誦法華每入城持諷數

周

一訪古墓以祇先哲

吳鬱林太守陸績漢豫章太守陸烈山陰
令陸寂宋鄭虎臣滕章敏公元發王節愍
公倫又有瓊姬墓夫差義子塚一十八所
節愍公死於金其子負骨以歸

一坐雲泉以躡八景

雲泉在大石石若頰頰斷鵲黃姬水八景
曰拜石軒毛竹磴招隱橋空晚屏玉塵瀾

青松宅楊梅峒款雲亭

一臥山房以譜十友

元慶大石十友譜端友石屏陶友古陶器
談友玉麈夢友湘竹榻狎友鷺瓢直友鐵
如意節友紫簫老友方竹杖清友玉磬默
友銀潢硯

一審山街以嵒古甃

陽山背陰面陽山如石砌曰甃陽山一曰
秦餘杭山一曰萬安山四面若飛曰四飛

山大峰十五箭關爲絕頂晴日望海中羊
山春秋曰蒸丘又名燕山產白玉脂曰白
塔山吳越錢氏泉出寺生千葉白蓮改仙
泉寺宋祥符勅額澄照寺又爲白蓮禪院
白龍行宮靈濟廟今載祀典

一延淨侶以度往生

一減奴子以靜山靈

一囊餘糧以施鳥雀

一訂佳節以盟蓮社

九月八日爲始十五日止

一全古墳以勸好事

陸鬱林墓在陽抱山陽山西支壠元朱德
潤母感夢止穿墳後德潤官翰林子吉仕
國初清顯又朱憲副穿兆近陸瑩夢云此
太逼能相讓當有興者旣而子狀元

希生

易山莊則終

登陽山絕頂觀落照

嶺外孤亭攬翠開，天風吹上四飛臺。
行如鳩鵲人持杖，履曳星辰海一杯。

突兀飛亭倚漢斜，接天波浪欲乘槎。
低峰忽起千尋勢，片日驚吞萬丈霞。

太乙仙人嶺頭遇，凌空賦就驚人句。
長風吹落半天雲，幻作芙蓉插千樹。

山僧指點面羊躋，龍母祠前曲水分。
欲爲故人留落日，猶堪持贈數重雲。

白露蒼蒼深處葭平田漠漠遠無涯四飛一闕
雲爲補九日明朝帽欲斜

濺染蒼霞滿袖斑泉聲落石聽潺湲老僧昨挾
江濤至却傍陽山說蔣山

月滿空山夜色蒼碧天無際思茫茫風高古木
喧龍子波繡珠宮駕海王

禪房夜坐

山童滌杯進茗老僧揮麈談空一室半開天地
千巖忽響梧桐

長雲僧舍和韵

絕巘懸精舍虛堂白日閒無多牕外樹不盡眼前山碧水沉湫冷蒼雲點石斑儘看留客住何必鑰重開

觀音巖看月介公至

風前欲自笑雲外若爲期忽報山僧至山溪知未知

空翠庭梧桐

梧桐何太瘦亦在萬山巔月落空庭處迢迢下

遠田

箭闕月

缺月掛箭闕前村
漁火喧秦王不敢射
缺月月將圓

玩月後山房
剪燭邀諸君子修蓮社
品山中位置時廣德友
沈君翰次日行

天近邀雲坐
風高蹴月行
山空心愈淨
松老韻俱清
江海原無相
兒曹也自尊
蘭芬聯左席
玉露滴前楹
下榻秋分夢
鳴鐘夜課經
禪龕舍竹

隱漁火過溪焚未着觀空眼偏饒度世情幾年
學面壁今日反浮萍無菊堪醺醕登高憶弟兄
茱萸緣岫采薜荔援牆生琴動禪心寂棋敲鳴
樹爭且因燒燭短莫便賦詩成掃葉頻吹茗披
窠爲引瓊尋香花影宿擊竹落筠輕恠石藕爲
供香厨芋作羹伊蒲和露煮丹井搗霞烹咫尺
風塵迴蒼茫天水并偏宜秋夜永喜共故人賡
方寸惟杯酒寒楓染去旌相看誰獨醒萬丈只
孤撐曲沼開蓮社空林訂法盟山山將賀九樹

樹盡和嚶峰闕綠嘗滿忙還閒自評我方論半
偈月已過三更烏奏花間漏霜分殿角鉦俄看
千萬頃紅日爲誰瞪高季迪詩但覺羣山總在下坐撫其頂同兒曹
賦罷硯有殘墨再作一律貽嚴玉式望亭
建橋未就併詢之

身上最高處馮虛屬眼寬月來滄海白秋老洞
庭寒水落飛虹迫天空度鵲難中山有蓮社欲
解故人鞍

臥起

兩離兩坎極無極無極元來日日新不爲風塵
伸赤手常將天地照人心

長雲峰下臥崧高一夜天風叫海濤笑指扶桑
懸赤日未醒塵世利名曹

亭開山頂山還闕日入淵沉淵又生不向此中
清徹骨青天相對只盲行

離九天南日最尊如何浴日在淵澄淵淵徹底
藏根密身坐雲霄已萬層

登高莫笑世間迷斗柄茫然東與西急東道衣

捫蘿棧錯尋海底又前溪
以手指月月在天以波印日日在水碧蒼鑄出
千龍鱗海嶠未離君知否

擁被天風臺候日

擁被跏趺坐蕭然一鳥鳴波雲猶半黑天水未
全分風樹搖星影平疇拂鑑明赤城疑漸近湖
上小山橫

海日

中山清漏徹蓮花翠冷曉玩濕露華杯引滄溟

分席近杖携星斗過簷斜夢回堯率空千界目
極扶桑燦五霞一自咸池歌浴日天雞呼醒萬
人家

歸舟慶西山廟橋成謁晉王司空祠擬作
銘

有廟維赫有橋維屏僧彌難弟法護難兄不家
於家乃家吳氓祀二公者非公寧馨惟德是念
非捨無名千載之後蔚有鉅卿墜崖危磴不令
不寧濤飛樹杪涉阻荒荆相彼樂國憚於太行

踐平鴈齒瓦秩魚鱗星梁斗柱銀漢式憑雲濤
雪浪玉虹崢嶸司空執劔司徒鳴鉦聳立其上
揚旌拂旂駿惠南國麗牲貫星三秋月色半夜
鐘聲尸祝湘澤楚張司農重建以莫不增樂奏笙鼓勿
替雲仍履安思危爲善如登

九日曉登陽山懷黔中高明柱有引

憶中秋與明柱飲酒仙祠歸舟遺其巾以
十五綢而得之酬漁父三百明柱東云不
佞輕萬里而識荆致先生非九日而落帽

但網客索貲太奢殊非江上丈人風耳時
明柱在天目山馳訊却寄

旭日亭亭護曉霞懷人極目各天涯却追落帽
驚龍府麟使懸旌望海槎嶺外白雲天目鴈樽
前黃菊洞庭花君來萬里交情重烟水迢迢隔
漢巴

附陽山龍母塚考

東晉隆安中山下居民繆女及笄出行暴風雨
立龍塘側俄見一白衣老人與語歸姓父母逐

爲丐明年三月十八日今龍塚上產一肉塊居
民棄水中俟焉塊破化而爲龍夭矯母前若有
所告其母驚絕於地雷電飛沙折木咫尺不辨
旣霽但見白龍升騰而去衆乃厚塋其母祠之
山巔恒雨暘禱必應太平興國間建廟山南曹
巷熙寧九年遷澄照寺東隅建炎間主僧覺明
新之相傳龍子以怖死母故謫居瀟湘每歲是
日必歸山間風雨淒冷胡偉碑又云每歲誕日
龍歸省母前期旬日天氣肅寒四山烟雨乍晴

復合正誕之辰龍必見形或長身尋丈隱於衆
山之上或小如蜥蜴依於廟貌暴風雷雨澍溝
號木則其驗也紹興十九年六月某日奔雲驟
隳盲風驟雨捲去女牆數百丈居人余氏吸入
雲中負販者吸而復墮無傷焉有士子焚諫書
祠下乃稍止簪有白鬚老人至鎮江買船自云
從長沙來與船人錢十千約其至蘇州陽山看
親處還登舟卽令篙工悉睡日暮抵許墅舟人
至山下於廟中像前得錢五十貫乃以錢設僧

供辭謝而去大吏以聞紹興二十九年四月賜
廟額曰靈濟乾道四年誥封顯應夫人我明
革夫人封號止云陽山龍母之神每年誕日城
鄉畢集祀龍母於東祀龍於西率以爲常謂之
龍生日按宋范至能又以繆氏爲邢氏羅春伯
見聞錄諸書謂湖廣長沙瀏陽道吾禪院旁有
龍潭卽陽山白龍所居而海鹽乍浦之陳山有
龍湫揚州興化之率頭湖有龍潭皆此龍別居

云

陽山龍母記

陽山祀龍母跡甚異其有關於穡人甚大龍而
姓之母之子之白衣語而娠娠而棄之塊而龍
之母死而塚之祀之自山巔遷曹巷再移澄照
寺龍去之楚廟食長沙誕之月神具來士女咸
集頗恠然晉隆安以來未改也尤異者白衣搖
櫓長沙僅一夕而泛吳門仙井濯鱗帥漕率兩
邑而興神物紹興己卯所部以禱雨聞乾道戊
子守臣以加封請於是額曰顯濟褒顯應夫人

云國朝大學士金公幼孜文定吳公寬雨泉陳
公鏊幼海周公天球皆記之宣德五年太守况
公伯律奉璽書減荒賦百餘萬積歲大稔終周
文襄之世餘米滿倉而神與之語嘉靖間願齋
徐公屆秋祭吏循例請委小吏公毅然不可而
神又與之語此二公皆夢也夢見於郡侯何居
且夫躬祭而有年者願齋也方出郭而雨者弘
治孟郡公俊也意疾痛則呼父母豐年則昇祖
妣猶與享之乃以成熟報歟然他人夢夢二夢

醒神有語有不語耶居民上神所不語蓋有畧
於祀者矣况公齋宿而夢徐公夢白蛇游於庭
已謁廟壁上圖白龍而驚報祀也周室中興是
旣太甚至靡神不舉呼羣公先正莫我聽聞豈
事神別有道歟記稱龍去其母若有患苦蜿蜒
二郡庭若有控訴今此下民亦有訴也苦役賦
甚或又曰龍天矯飛騰鼓雷霆潤風雨奚患甚
之有寢興之間乍往乍來楚天接膝奚控訴之
有然且有苦也有訴也况民乎雖然龍亦有畏

之責 天子獨憂於上賢能協贊於下扶杖携
筇思見德化不呼龍誰呼哉嗟乎今之爲龍亦
難遺秉宿穗降福旣穰穰矣公私之積皆空徒
嗟瓶罍豐凶之粟竝貴空羨倉箱吏茲土者難
龍子龍孫晨昏之際職思其居亦不易也竊願
龍爲其難爾嘉靖之役鄉紳袁公祖庚爲之倡
夫出雲雨與出金錢孰易也

復龍母舊祀記

陽山之有龍母塚也自晉隆安始也龍子廟食
于長沙以三月十八誕龍日省母士女畢集晉
以來未之改也祀山嶺千有餘年其始遷山南
曹巷自太平興國始也再遷澄照寺紹興己卯
帥漕以禱雨聞則曰龍濟乾道戊子太守姚憲
以加封請則曰顯應夫人 國朝一剏於况公
鐘宣德五年學士金公幼孜記之再夢於孟太
守復弘治庚戌吳公寬記之三歎於太公徐公

節嘉靖壬戌陳公鑒記之自徐公後又二十年
鄉紳袁公祖庚倡助周公天球記之游墅戶部
張公節太守朱公文科二守孫公成太吳邑侯
傳公光宅告成事今距之又數十年諸文學踵
門以請余喟然嘆曰龍而姓之姓而繆之母之
子之肉而塊之塊而龍之龍而白之母死而去
之去之楚而誕之日鼓雷霆來之昇哉昇哉以
爲異也碑記所稱白衣附楚舟給餽直自長沙
一夕泛吳門舟子入廟門風風雨雨餽直之半

藏龍母帳中誰爲爲之乎後唐天成二年殿西
仙泉鱗物見郡丞楊杭帥滿香鱗湧華爲爲之
乎此二事一見於紹興庚辰一見於紹興壬戌
或又曰後唐天成二年殿西仙泉鱗時見竊有
感於兩太守之夢况伯律奉璽書減荒賦百餘
萬神與之語葺祠後積歲大稔終文襄之世
餘米滿倉徐願齊夢白蛇蜿蜒庭中若有所訴
以語兩泉公秋祭吏請委官代不可見壁間畫
如夢爲之捐贖大有年事之以有禮報之以有

年而夢皆徵于郡疾病呼父母豐年畀祖妣其
猶與享之故以成熟報也居民上而神之所不
語大都繇祀不親鰥寡罔恤故他人夢夢二公
夢醒今東南力困粟貴十餘年神互先醒龍昔
者有訴矣今此下民亦有訴也龍無意乎敬龍
必敬其民高太史季迪賦陽山不云乎中有一
泉長不枯乃是蜿蜒神物之所都

再游陽山記

游之難難於天初四日微雨乍晴得月次日又晴得日陽山鼎建已載小志丁巳季秋自白塔嶺訪丹井龍張雙睛以待燭舉山之半此山四飛環山如魚之鼓鬣而鯉魚峯一帶噴沫更佳最宜黃昏作一幅瀟湘拖雨觀小憩禪龕爲彈漢宮曲未終秋葉滿空階登臺一望峯如插天王文恪公所題卽舊顏石壁處一片芙蓉混以庖廁欲出之周浚蓮池特龍部說法其間鯉魚

峯而上有觀音巖稍進則亥龍石曠而邃宜閣
閣斯萬頃杯千山塊仍移長雲峯諸雜構布其
間千古大快心事是夜爲禪伯適禪爲酒人適
酒爲琴侶適琴最喜作詩少耳五更綿絮裹頭
捧一壺陽羨茶候日出執禮甚恭因憶去年此
山中看落日會送友歸廣德余有欲爲故人留
落日尚堪持贈數重雲句蓋餞日也坐望海色
漸紅紅光中如煙微抹海上山也蒸起而煙疑
日久乏味也初如一星甚燦曰日也又久之星

漸曲曰日未也疑別道出左右顧日輪忽擁若
焰中聲盤旋浴同人驚呼浮空盪摩海煙直上
衆星如壁上諸侯忽然自解或曰賓之初筵雜
客無敢廁耳寺僧曰有住山數日不得觀或得
日風散之海與日混濛微見黃絕不類此日出
時海底如又日曰第二日余曰第一影耳始海
而湖千流見需而絳始四飛之絕頂而石壁千
峯見需而碧四飛有亭箭闕最高處余曰四飛
山名也亭宜一住有獅子窩如紫鱗徑極巉友

人真長拂髯闊步而下數百丈無懾色余與語
易之習坎曰天陰不可升也正爲有脚力人開
一眼遂斂足逡巡禮白龍母祠龍之母繆氏產
龍而塚于此塚下方井卽白龍泉產茶絕佳就
泉煮茶移晉栢下晉栢大四圍一本十四榦榦
如龍鱗疑卽龍也不知何人伐其二榦龍歲一
覲母水深平地三尺寺僧棲於樓昨歲龍來空
中飛數千石塊下龍取晉栢一枝擲于某家園
中懸數十丈殿大地余謂早則禱神無事敝其

虛而不之計或宜聞於主祀者以先圭璧之來
歟噫寶閣成石壁出徐議龍祠矣

堯峯山志序

讀書堯峯之巔自石湖十五里山水迴合初抵
寺白浪千頃疑震澤有峯遠秀疑縹緲山僧曰
此楓落吳江也郡諸巨浸也松之泖也突兀如
神人虞山也美好如姬黛玉峰也又數里陟妙
高峰三面太湖而穹窿陽山率靈巖諸巒障其
後稍下多景巖西山點點漁郎竝坐又嘗妙高
觀落日湖山一島桃浪一葉皆含靈妙其了無
意況者彊呖耳溝池耳村舍耳夜半月華如雪

湖天渺渺向所鄙爲田叟野烟牛羊下來之暇
無異萬千頃之洪濤也余無以名堯峰惟記在
山中作續詩餘序云始見松陵之城郭若龐山
同里諸渡焉澹臺寶帶積沙陳湖之濱焉泖湖
若練玉峰若環橫山若盤穹窪若賓陽山若拱
虞山若垣錫山若龍上方若腕石湖若盃焉自
青莎塢萬玉隈而上浸吾腹者三萬六千頃之
半焉泛若鳬凡三十餘峰焉荆溪之銅官雪洲
之碧巖如鵬決起焉天如薺焉舟如月焉日月

並出焉落日之帆如雪焉霧霽見一頃焉電起
閃一峰焉月上泛一波焉雲開獻一峯焉吾見
夫人蟾蜍焉飛塵焉而以拜石則神人焉袍笏
焉丈人焉一草一木皆頂禮焉新鐘鼓之聲壯
雲山之色焉凡此者皆天地之餘所謂旁望萬
里之橫山而皆青翠俯察千仞之深谷而皆黯
黑吾乃忽然而捉筆亦如天之一北一南地之
影長影短箕爲傲客房爲駟馬而已噫終無以
名堯峯也

堯峰山興福庵齋僧常住田記

甲寅之秋坐堯峰而志之一艇過石湖館我於
清輝白雲相往還品峰題石或當暮眺星月相
亂宿鳥撲刺予乃篝燈極思曉起賓日太湖忙
煮山泉朗吟於勸春之禪家夢之崗又時携短
瓢與釋悟亮坐白龍洞言其師湛公蓋百年來
吳中緇徒行義高潔類師若弟者罕矣戲謂山
盡石也石田可耕平風雨欲來蘸硯池爲寫贍
僧田記去今十有七年亡何貿田三百畝柴山

三百畝以崇禎戊辰歲八月得請於 邑侯陳
公上請 大中丞曹公自津役之外捐其繇夫
計僧而田之計田而夫之夫不厲禪僧不蠹食
舉甚光且天下半浮蠹與其食浮於人也無寧
人浮於食方內外皆然而方以內似尤甚何也
誦者居上爨者居下是食有別也孤雲野鶴一
飽逕去是食有節也飲食豈細故哉堯舜在上
登峰躡頂能無動乎當事之風厲遠矣寺故有
寶雲敝衣糲食其道益尊後有雲谷王文恪作

記云今天下之事廢而不舉者亦多矣彼獨何
修有若易易然者乎嗟夫廢閣在縣寓而修舉
在佛刹士大夫靳膂力孤寡養而僧徒叩魚磬
祝太平尚其飲之食之教之誨之哉

堯峰山

堯峰山在橫山西唐免水院在焉今稱堯峯寺
有妙高峯多景巖碧玉沼寶雲井白龍洞觀音
巖已上清輝軒偃蓋松東齋西隱已上十景姑蘇
志

橫山週圍甚廣環以佛剎如薦福楞伽寶華堯
峰之類皆在焉其支隴傍出各立山名堯峰山
在西麓堯時人民避水登此故名下臨太湖最
高也吳邑志

壽聖寺

古免水院在吳縣治胥門西南四十里堯峯山
唐末慧齊建院宋改曰壽聖寺寶雲居之弘治
初蒞與文通修大雄殿觀音殿龍王殿東齋西
隱住釋廣愈通震

露禪庵

在龍洞西南性公建下庵曰興福以塘名興福
云庵在縣西四十五里宋咸淳二年性澄建
吳志性公復之露禪庵有妙高堂大徹堂法喜軒

淨信軒七佛樓華嚴樓關王閣衣荷池漂菰池

二池
余名

浮青庵

余名

在鳴踏嶺一道吳山一道靈巖

住釋悟亮

露禪庵

悟繼

興福庵

吳文定公祠

文定公諱寬讀書山中繚以石垣皆公力也祠
在觀音殿之左有柏森峙曰文定柏志仰德云
堯峰十二景

清暉軒

在兔水院袁袞詩樹杪見風帆正對南湖水蒼

露臺芙蓉塔

寶公塔也余名

之上古清暉軒也樹雜崖

傾日月蔽虧余以題柏志其舊云

碧玉沼

在兔水院色如碧玉而南湖下有神螺

多景巖

在兔水院西南石廣而平甚狎湖山如吳江之
烟樹茗雪之雲峯銅官之落日石湖之雪鏡西
石之樵歌風烟舟楫水樹千重而白沙虛壁最
宜天山雪後

水道二

一從石湖越來溪至王山蕩山欲盡而隱尾一
水涵之

一從木瀆抵興福塘按胥口之水至木瀆香水
溪出焉又東入跨塘而越來溪會矣

山勢第一

李彌大詩雲峯何岩崑去天凡幾丈厥向東也
山原天目發於陽山自陽山分華鹿而南迤邐
天平旣靈巖別縣穹窿而東止楞伽沿具區堯

峰突兀焉繇石湖抵山范成大云行人半出稻
花上溪山廿里衣帶皆飛寒色

具區所見如莫釐縹緲馬蹟龜山禹期禹會諸侯此

夫椒敗處葉余長沙亦曰長沙門武吳王養虎于此獨

小椒與椒對大貢小貢思夫秦人採藥不返大

雷小雷兩山相對而不相見東岳西岳龜與龍

而差三山相近東西五石浮山五山相近猫山鼠山

對時如謝姑小謝姑白浮歷耳筆格荈浮苧浮

青浮杜圻大都落日半邨峰峰獻曉恣觀覽矣

山一支自穹窿亘香高峰胥橫楞伽白石黃獅
何至洞庭穹窿君也

山一支自陽山亘大石玄墓銅坑華鹿錦峯玉
遮白陽仰天琴臺高景天平支硎定陽山君也
橫山張巨翼上方脅也

白石黃獅何四山不連如落星焉

水觀第二

水經吳萬水所輳觸地成川源太湖入海東入
于河爲三江鮎魚口北出至分水墩爲澹臺湖

而黃天陳湖獨墅尹山諸湖爲之滙自分水墩
南連吳江爲龐山同里其旁流汾湖泖構李東
通泖自沙湖轉而北則楊涇蠡口東流海虞之
雲和塘而崑至和塘自陽城湖並東入吳淞江
新洋其瀦太倉者自新洋江合栢家瀆夾鰻鱺
瀆皆在峰巔指掌未見者福山之道江梅里白
茆之道海然茫茫天水不知孰非海孰非江也
少讀宋單鍰水利志築吳江之千橋以通太湖
及從山巖一望城邑漂水面鮫人夜火差擬大

樽曉日露凝爨烟與水平矣

自胥口東出吳山之南堰于白洋灣其水渺瀰折北潄爲石湖

越來溪起石湖東沿至橫塘一帶越自松江北沿橫山鑿溪入吳卽此溪也宋參政范成大因溪故城爲亭榭焉

吳邑志

太湖西首無錫東踰松江南負烏程北枕大吳其水發源有二一自西北宜興來一自長興山蹊來却從長橋水口流入吳淞江又東流二百

六十里入海

吳邑志

三江松江婁江東江也其水口在吳邑東南三十里名三江口一江西南上七十里至太湖曰淞江古笠澤一江東南下七十里至白蜆湖入海曰上江亦曰東江一江東北下三百餘里入海曰下江亦曰婁江胥口太湖之委自三江外其支流一東出香山胥山之間曰胥口謂太湖東邊兩山對峙南曰胥山北曰香山中一水曰胥口

鮎魚口自胥口東流北出

吳邑志以上言水簡枝故

悉載之山中水
觀景爲大也

鮎魚口矗于波面如鷺一行焉

王山橋挂月一鉤近之則滿

直星港如箭

石湖如盆盎

品石第三

世間有情之物莫如石以情生不以情死莫如
石余游西洞庭焉石公龍嘴間須臾風湧千頃
吐吞然不逮堯峰矣何以故開闢有堯峰而奇

堯峰之石自余始堯峰之示人少矣

按吳縣范志云太湖石以生水中者爲貴石在水中歲久爲波濤所衝激皆成嵌空又按陳洙太湖石賦駭立驚犀低開畫屏素烟散而復聚蒼苔死兮又生譬夫枯槎浮天黑龍飲水鬼狴無狀雲飛乍起夫此咏庭中石泐自湖者耳不知湖石佳者皆有根抱雖拳石難拔其可移而之庭皆蠢石也宣和朱勍造巨艦載一石入京師以千人舁進役夫各賜銀碗并官其四僕皆

烟雨妙高觀落日微見數漁艇久之百帆出山
外有青山落日故人情以青山贈我也白雲自
怡悅不堪持贈矣

日將西下湖水半白帆如雪其矯舉如雪之飛
也

坐龍洞四野密雲蒼山欲沒大雷電炤長而聲
微

雨中松如泉下峽尤宜枕簟其聲厲而多思
曉白雲類繞絮彌巖谷間浮一縷霧散而樹沐

雨至谷響林偃樹如驚鳥晚山綠烟淡抹夕陽
暎之明月來時隱隱遠波欲紅日未見也

法鼓禪燈木魚清磬師也歸鳥落葉飛絮浮烟
友也鶯語未滑好花欲放佳樹春望
自寶雲井至妙高峰觀出日一徑也

青霞生餘峰經聲出半嶺

方春菜花開客舉一似余曰似菜花隔湖花尤
盛客又舉一似余曰似隔太湖菜花未審雪山
何似

承節郎及金帶劬遂爲威遠節度使而封石爲
磐固侯皆蠢石也雖然太湖石奇矣以堯峰勝
之非居山一月不能知也

品泉第四

山泉數道暗度珠懸而下甘美視惠山而饒平
遠不品於羽隱君子也

泉每兩輕
惠泉五分

泉既清妙遠

道鮮汲間有至者居人以餉餉泉

在寶華崗

應之日

飲數斗吾事不旣濟矣乎

按宋蔣堂云堯峰

有顥暹禪師別號寶雲因山開舊井涸枯乃鑿

石造井踰歲僅成既列而甘大爲叢林之利又
曰今茲泉眼在魯塢則寶雲井蓋宋時所鑿而
以僧之別號名井云

衣荷池漂菰池在露禪庵

松滋井在平虛庵

游觀第五

橫山芳鄰也湖來妙高峰自穹窿而欲盡登橫
山而欲無盡

余居文定祠晨起赤日動千波吳江城郭皆佳

輿人曰行路難此最也以城繇吳山嶺以木瀆
繇鴨踏嶺

游妙高峰有之多景巖罕矣觀音巖龍洞有之
鯨吸以下益罕矣

余日夜看太湖無一字說得像羅處約詩逢山
方得地見月始知天唐桂芳詩水濶疑無地天
低剩有星高啓詩遠水初涵夜長天盡作秋

堪輿家言郡治正脉實自太湖諸山以石骨崩
洪橫列大帳至天池西苑過峽復起大尖轉笏

臨峙天平左帳高景右帳靈巖中抽普庵金山
穿田再起獅和索山遂變墩阜如金錢散地萬
點梅花以兌龍從金閭渡峽入城轉亥轉艮轉
辛出葑阻巨浸而止左枝峙虎丘婁齊其氣自
西北而南右枝從上方趨尹山逆迴顧榮墓盡
丫漚村其氣自西南而北近有黃天蕩金鷄堰
養蔭其間此外復經吳淞江環旋盤繞龍將焉
往郡邑稱首豈無自哉

勝人題咏第六

蘇州堯峰顥暹禪師僧問學人乍入叢林乞師
一接師曰去問承教有言是法平等無有高下
如何是平等法師顥暹曰堯峰高寶華低曰恁
麼則却成高下去也師曰情知你恁麼又嘗言
冬去秋來樓閣門開若也入得不用徘徊
徐源詩月明自宿太湖心咫尺不聞遊此地按
樂天有寄元稹詩云報君一事君應羨五宿澄
波皓月中故傲之以堯峰也

或問依草附木之精靈精靈故有依附如今明

道之士何爲亦自倚物而行答曰明必不倚倚
必不明今之說者俱謂精靈倚物性靈物倚似
矣未透也又謂精靈倚物性靈用物透矣未脫
也余獨曰精靈倚物性靈離物夫惟離物乃能
用物夫惟用物乃謂物倚故曰離幻卽覺又曰
致知在格物格者去也去物者離物也不然譬
者命在杖失杖則顛安保倚者之長爲我倚哉
所宜祇慎堯峰海性說

廣陵王元祠祀吳越中吳軍節度使錢元璪

顯公祠祀元璋子節度使文舉二祠俱在薦福山壽聖院卽其葬處也

宋禮部侍郎蔣堂墓在橫山魯塢堯峰寺傍

吳邑志

草木鳥獸第七

碧玉沼之前文定栢也側有銀杏合抱曰選樹
兎水院西來栢挺一幹如枯葦掛星栢在真武
殿寶公塔有古藤焉余所顏掛衲藤也

自度松壑抵露禪菴萬松皆喧松短小而勁特

翡翠巢爲最纔三尺爾蓋百年物矣

興福菴種荷花其芋絕佳秋老寒塘可玩也

草之屬 芝蕙蕨

藥之屬 貝母桔梗紫蘇益母五爪龍

羽族 畫眉裙帶黃鸝練鵲鳩雉鷹鷂鵠百舌

山谷所產 虎萬曆初年虎自太湖度獐兔於菟

欄檻佳賞 荷芙蓉簷蔔桂菊葵百合海棠

木槿

籩豆果實 桃杏梅栗櫻桃楊梅枇杷棗榴

日涉園

三益徑

招近局

紅友

一人歸

好邱杯

霜果林

晨裝

從黃綺

在人境

墟里烟

延目

度鳥屏

挈壺至

木葉間

吐嶺

日夕佳

托行雲

客中遇

人處宿

語淅鶯

似客星

右山徑

有黃綺無紅友可乎挈壺至者故人賞我趣也
招近局松子落也歸雲熟歸鳥熟歸樵熟園日
涉以成趣也

平虛庵

薜荔墻

照莓

松滋井

宿龍

鳥翼墻

泛酒

寒花溜

雲背

無妄園集

江三

堯峯山

坐翠微
右兔水院西

對西洞庭最參差處高峰山如擎

鯨吸巖

光緒

似乘船

勤飛觴

雨水鏡

情
理

逢曲

秋浦玉

漁翁

採見
藥秋
山

紅雨
木魚

寒晚
情雲
袖髻

右免水

面海

1

—

吳江兩水鏡也太湖麴車也橫山以南振五翼
其北一巨股承之震澤千萬頃以眺東南層波
未易敵耳晚雲如髻寒雨勸飛觴有石危立一

漁翁也

青莎塢

縫水

虹壁

半輪秋

引碧空

擊電

落鏡

春水舍

夜光杯

觸萍

未眠

帶寒漱

夢中看

漱珠

吾廬

枯木槎

集星璣

彈簞

右免水院南二

枯木橫槎葡萄美酒吾廬醉也山月半輪孤帆

遠引吾廬夢也舍南舍北皆春水吾廬忼也如

天落鏡吾廬開也

喧閣

長雨漏

釣夕坪

擁欄沙

水深中

花積檻

出海曙

獨登臺

學長生

梁父吟

青楓浦

何處鐘

駐游絲

泛寒洲

故人情

寒樹遠天

各天

寫翠

水宿

調砧

三

右免水院南

莫喧于風莫喧于鳥莫喧于樹莫喧于雨萬松
之下雲處人家兒女笙篴水宿鳥呼依微遠天
耳

家夢

片日帆

畢賞阿

在玉壺

隨去帆

霞明浪

到家處

長如客

繡佛

點頭眠

洛社

暮天垂

日靜

靜

水底眠

右免水院南

四

石瘦而並峙家在夢中到家處也夢在家中長
如客也心隨帆影去山河衾裯增一幻矣

萬玉隈

劍花

凝霜

臥滄江

雲賞

鷹眼

青歸

露帶

神羊影

雲滿身

鷹眼

燕舞階

觀花亭

挂秋帆

挾星

天回壘

滄溟開

一沙鷗

奉毛驕

分夕壘

鷹風嶼

錫鷺筵

三珠樹

千家小

雨花床

遠山眉

珠瑁梁

助秋筑

織烟

凌波步

連雨足

盡滄洲

師飲

住春煥

愁風雨

雲中閣

青翰

右免水院

南五

咫尺愁風雨非愁也痛飲真吾師非飲也天地

一沙鷗不速之客三也濺舞襯花在奇而平一
帆行處感損山眉

天湧巖

綺船	刺白	劔雲棧	吹白	歸烟
靜寄	彈夜	麝齋跡	紫煥	皓腕
濯錦	茄喧	吹鴈橋	騎影	龍坂
千峰雨	起漁樵	啣日山	新乳崖	
錦雲鬟	一潭星	翠眼波	流星驛	
駐燈峒	錦苔峯	半篙春	紫玉腕	
右免水院南六				

卽日山下幾處起漁樵懷皓腕于神許駕芙蓉
之綺船我所思兮騎影隴坂忽作關塞極天想

吹鴈嶠如伸五指圍廣數十丈亦曰五老舉

勸春禱

元亮徑

紅瘦

舞淪漪

落月家

抱玉眠

勝友

耐岩客

白雲衢

萍帶

宿搏

懷謝

烟籠

春誰勸月誰落紅誰瘦自平虛菴而南數石如
舞如奕如坐如拱

駐霞城

起松

尋鐘

疊春浦

半花源

帝榕

聽叟

蘭亭座

排芙蓉

魚床

橫黛

墨雲庄

驅雞岩

韻野

周鼓

海晴岩

漂花城

無憂園集

江三

三
竟峯山

一枕影

夜歸人

諸風機

兩三松

翡翠巢

楓落止

僅豐砌

掛夕冠

古蔓梁

浪花慢

夜珠來

飲水池

亂寒星

右免水院

北一

駐霞如城啼榕如坐有風徐來驅鷄入雲 自
免水院之駐霞城隔竹敲茶韻野諸風一奇也
浪爲幔羽爲衣波爲步啼榕一奇也牽花紫蔓
春色如積日暮水漂排芰末也一咏一觴半花
源蘭亭座一奇也暮鐘可尋爲君起松聲一奇
也借問君何人空山白雲耳

度松壑

青丘 話雨 孔雲 貯陰 葉茂國
棲禪 響露 稀釣 籬 白竹坡
瀉鳴琴 寒暄 祖 夜聞多
右免水院廿二
月出稀釣萬壑度松有客話雨最是風雨夜聞
多可憐日裏

飛鏡臺

月聽 坐聞鐘 吟勝 問玄島
客隱堂 延月 靚紅崗 雲在
晚花 映 脉語 崖 蘆隱 落寒汀
梳錫 涉 烟舟 古僧居 弄珠
秋水 席 來雪 宿烟潭 住陽洲
聽梵 經雨橋 波遠 右免水院廿三
晚風起花雪鷗可住鴈可客飛鏡臺飛明月也

繇經兩橋而下陽常聽也花紅來覲新蘆隱之
落寒汀也風波朝夕令人遠矣

薺月巖

天地青

杯渡

翁法蓮

封玉峯

對馬鞍山

容曉

酬岳

日夜浮

動日掌

海日關

烏還

引天峯

雷轉峯

勞波石

渡虎

連海岱

識香林

水明樓

濤灘

還潮洞

夢涼室

花芙蓉

水梁

攢雲洞

古雪

雨果

右免水院

北四

贊曰江畔舟如月天邊樹若薺能作是觀流水
白雲常自在觀音巖口鳥還也其北薺月巖

動日掌之下大士居之夢涼室也虎欲度花欲
笑梁欲永也巖之上還潮洞水明樓也興酣落
筆酣岳也海日引天鳥還之第一峯也懷深詩
寶陀大士金身現懊惱遊人空看山着眼青山
非其至也寒潮帶夕殘夜水明繫人秋思鳥還
一徑橫山五塢寶華疊樹使我不厭遠峯屏之
劃然一同浮青夾太湖之兩鏡眺大士巖奇石
項領自王山蕩而來者多採菱刺魚樵叟也

堯峰露禪庵供米疏

晦堂贊云超玄機於鷲嶺露赤體于龍峰聞時
富貴去後貧窮涪翁見而閣筆曰不如借水獻
花與一切人供養及贈花光仁老云大般若手
能以世間種種之物而作佛事度此有情則一
枝一葉一點一畫皆是老和尚鼻孔噫嘻艱哉
真耶戲耶老和尚不可作借水獻花大是難事
湛公大開堯峰旣示寂性公相公皆能世之魚
磬日續長者效坡公以怪石供余曰是索諸枯

魚盍田乎性公曰否吾師不裙不襪栖毒霧中
未嘗貧窮莊嚴太虛葳蕤龍象未嘗富貴奈何
編氓籍田撞擊虛空余曰盍募金錢儲十載糗
糒乎相公曰否廼謀輦致歲粟而余以少倡多
計以貳伯爲西江隨其願力伐碑記之陽月爲
期二公諾焉夫天子食而知宰相之味必侵宰
相食而知具官之味必曠故有一人之食自有
一人之味湛公設學字堂者再上下兩庵各以
經師統之四方雲侶皆識字皆知味矣或曰西

來不立文字以何供曰以借水獻花供以怪石
供